



বাংলাদেশ কৃষি ব্যাংক
প্রধান কার্যালয়, কৃষি ব্যাংক ভবন
৮৩-৮৫, মতিঝিল বাণিজ্যিক এলাকা, ঢাকা
ঝুঁকি ব্যবস্থাপনা বিভাগ

মানিভারিং প্রতিরোধ সেল
dcamlco@krishibank.org.bd
ফোন: ২২২৩৩৮৪৮৬

প্রকা/আরএমডি-৩০/অংশ-৯/২০২২-২০২৩/৬২০৬

তারিখ-০৩-০১-২০২৩

- ০১। মহাব্যবস্থাপক, সকল বিভাগীয় কার্যালয় ও স্থানীয় মুখ্য কার্যালয়, ঢাকা
 - ০২। সকল বিভাগীয় নিরীক্ষা কর্মকর্তা
 - ০৩। উপমহাব্যবস্থাপক, সকল কর্পোরেট শাখা
 - ০৪। সকল মুখ্য আঞ্চলিক/আঞ্চলিক ব্যবস্থাপক
 - ০৫। সকল আঞ্চলিক নিরীক্ষা কর্মকর্তা
 - ০৬। সকল শাখা ব্যবস্থাপক (মুখ্য আঞ্চলিক/আঞ্চলিক ব্যবস্থাপকের মাধ্যমে)
- বাংলাদেশ কৃষি ব্যাংক।

বিষয়ঃ মানিভারিং ও সন্ত্রাসী কার্যে অর্থায়ন প্রতিরোধ কার্যক্রম বাস্তবায়নে অঙ্গীকার।

মানিভারিং এবং সন্ত্রাসে অর্থায়ন দেশের অর্থনৈতিক অগ্রগতির একটি বিরাট প্রতিবন্ধক। গ্রাহকের হিসাবে লেনদেনের মাধ্যমে মানিভারিং এবং সন্ত্রাসে অর্থায়ন কর্মকাণ্ডের ঝুঁকি রোধ করার দায়িত্ব ব্যাংকার হিসেবে আমাদের উপরই বর্তায়। মানিভারিং ও সন্ত্রাসে অর্থায়নে বহুবিধ আধুনিক ধ্যানধারণা ও প্রযুক্তির সংমিশ্রণ থাকায় মানিভারিং ও সন্ত্রাসে অর্থায়ন প্রতিরোধে মাঠ পর্যায়ের কর্মকর্তা/কর্মচারীদেরকে AML/CFT বিষয়ে সকল সার্কুলার/সার্কুলার লেটার এর নির্দেশনা অনুসরণপূর্বক আধুনিক ব্যাংক ব্যবস্থার সাথে নিজেদের জ্ঞান, চিন্তা-চেতনার সম্মিলন ঘটিয়ে সমন্বিত কার্যক্রম পরিচালনা করতে হবে। এ সংক্রান্ত অঙ্কুরায় সামান্যতম ভুল তথ্য প্রদানও কোন কোন ক্ষেত্রে ব্যাংক BFIU কর্তৃক বড় ধরনের জরিমানার সম্মুখীন করতে পারে যা ব্যাপক পরিসরে বিবেকবির ভাবমূর্তি ক্ষুণ্ণ করবে। সুতরাং পরিকল্পনা অনুযায়ী AML আইন ও তদসূত্রে প্রদত্ত বাংলাদেশ ব্যাংক ও বাংলাদেশ কৃষি ব্যাংকের কেন্দ্রীয় পরিপালন কমিটির (CCC) নির্দেশনা যথাযথভাবে বাস্তবায়নের লক্ষ্যে নিম্নোক্ত বিষয়গুলো পরিপালন নিশ্চিত করতে হবে। মানিভারিং এবং সন্ত্রাসে অর্থায়ন রোধে আমরা দেশ ও জাতির কাছে অঙ্গীকারাবদ্ধ।

১. গ্রাহকের মৌলিক তথ্যাদি সংরক্ষণ সংক্রান্ত:

BFIU, বাংলাদেশ ব্যাংক কর্তৃক প্রদত্ত নির্দেশনা মোতাবেক অত্র ব্যাংকের মোট নিয়মিত গ্রাহকের মধ্যে ৮১.৯২% গ্রাহকের মৌলিক তথ্যাদি (গ্রাহকের নাম, পিতার নাম, মাতার নাম, ঠিকানা, জন্ম তারিখ, জাতীয় পরিচয়পত্র নং, নমিনীর নাম, মোবাইল নং) ব্যাংকের সিবিএস (CBS) এ সংরক্ষণ/সংশোধন করা হয়েছে। এ ধারা অব্যাহত রেখে সকল নিয়মিত গ্রাহকের (১০০% নিয়মিত গ্রাহকের) মৌলিক তথ্যাদি ব্যাংকের সিবিএস (CBS) এ সংরক্ষণ/সংশোধন নিশ্চিত করতে হবে।

২. গ্রাহকের হিসাব খোলা সংক্রান্ত:

মানিভারিং ও সন্ত্রাসে অর্থায়ন প্রতিরোধ এবং ব্যাংকিং খাতকে ঝুঁকিমুক্ত রাখতে গ্রাহক নির্বাচন নীতিমালা সঠিকভাবে পরিপালনসহ গ্রাহকের পরিচিতির সঠিক ও পূর্ণাঙ্গ তথ্য সংগ্রহ/যাচাই করতে হবে। হিসাব খোলার ক্ষেত্রে অভিন্ন হিসাব খোলার ফরম, TP, KYC Profile Form সঠিকভাবে পূরণসহ লেনদেন মনিটরিং এর সুবিধার্থে ঝুঁকি অনুযায়ী গ্রাহকের শ্রেণীকরণ নিশ্চিত করতে হবে। নতুন হিসাব খোলার সময় গ্রাহক পরিচিতির পূর্ণাঙ্গ ও সঠিক তথ্য অর্থাৎ Customer Due Diligence (CDD) / Enhance Due Diligence (EDD) গ্রহণ করতে হবে। ব্যাংক হিসাব বা ব্যবসায়িক সম্পর্কের প্রকৃত সুবিধাভোগী (Beneficial Owner) প্রত্যক্ষ বা পরোক্ষভাবে যার পক্ষে হিসাব পরিচালিত হয় তার তথ্য ও যাবতীয় কাগজপত্র প্রমানসহ সংগ্রহপূর্বক হিসাব খোলার ফরম ব্যবহার করতে হবে। কোন গ্রাহকের সাথে সম্পর্ক স্থাপনের সময় গ্রাহকের লেনদেনের অনুমিত মাত্রা (Transaction Profile) সঠিকভাবে পূরণ করা একটি অত্যন্ত গুরুত্বপূর্ণ বিষয়। সে ক্ষেত্রে, ব্যাংক গ্রাহকের লেনদেনের অনুমিত মাত্রা (Transaction Profile) সম্পর্কে ঘোষণা নির্ধারিত ফরমে সংগ্রহ নিশ্চিত করবে।

৩. Sanction Screening সংক্রান্ত:

UNSCRs রেজুলেশনসহ গণপ্রজাতন্ত্রী বাংলাদেশ সরকার ঘোষিত নিষিদ্ধ তালিকাভুক্ত নামের তালিকা সম্পর্কে শাখার কর্মকর্তাদের সুস্পষ্ট ধারণা থাকতে হবে এবং গ্রাহকের সাথে সম্পর্ক স্থাপন বা লেনদেন সংঘটনের সময় এ সংক্রান্ত তালিকা যাচাই করে নিতে হবে।

পরবর্তী পাতা/২

১

৪. **ভাসমান গ্রাহক (Walk-in customer) সংক্রান্ত:**

ব্যাংকের কর্মকর্তা/কর্মচারীদের ভাসমান গ্রাহক (Walk-in customer) সম্পর্কে সুস্পষ্ট ধারণা থাকাসহ তাদের সাথে লেনদেনের ব্যাপারে যাবতীয় তথ্যাদি যথাযথভাবে সংগ্রহপূর্বক লেনদেন সম্পাদনের বিষয়ে সকলকে সচেতন থাকতে হবে।

৫. **Structuring সংক্রান্ত:**

অনেক শাখা Structuring বিষয়ে অস্পষ্ট তথ্য পেশ করে থাকে বা ব্যাংকের অনেক কর্মকর্তা/কর্মচারীদের Structuring বিষয়ে সঠিক ধারণা থাকে না যা বহিঃপর্যবেক্ষকগণের নিকট ব্যাংকের ভাবমূর্তি ক্ষুণ্ণ করছে। এমতাবস্থায় মানিলভারিং প্রতিরোধে গ্রাহক কর্তৃক CTR যোগ্য লেনদেন এড়িয়ে চলার জন্য Structuring যাতে না করা হয় সে জন্য গ্রাহকের লেনদেন সচেতনভাবে পর্যবেক্ষনসহ দিন শেষে Cash, Online Transaction, ATM থেকে লেনদেনসমূহের Statement মনিটরিং করতে হবে।

৬. **STR/SAR রিপোর্টকরণ সংক্রান্ত:**

শাখায় সংঘটিত লেনদেনসমূহ এবং গ্রাহকের আচরণবিধি পর্যালোচনা করে কোন সন্দেহজনক লেনদেন/আচরণ পরিলক্ষিত হয়েছে কিনা তা চিহ্নিত করতে হবে ও সন্দেহজনক লেনদেন/আচরণ পরিলক্ষিত হলে পৃথকভাবে সন্দেহজনক লেনদেন/আচরণ রিপোর্ট (STR/SAR) হিসেবে প্রধান কার্যালয়ের মানিলভারিং ও সত্ৰাসে অর্থায়ন প্রতিরোধ সেলে দাখিল করতে হবে।

৭. **PEPs, IP সংক্রান্ত:**

PEPs, IP, আন্তর্জাতিক সংস্থার প্রধান বা উচ্চ পর্যায়ের কর্মকর্তার হিসাব খোলা ও পরিচালনায় প্রযোজ্য ক্ষেত্রে, সার্কুলারে বর্ণিত নির্দেশনা অনুসরণের পাশাপাশি হিসাবসমূহ খোলার ক্ষেত্রে ব্যাংকের উর্ধ্বতন কর্তৃপক্ষের অনুমোদন নিতে হবে। হিসাব খোলার সময় গ্রাহক সম্পর্কিত অধিকতর সতর্কতা মূলক ব্যবস্থা (Enhance Due Diligence-EDD) গ্রহণ করতে হবে। হিসাবসমূহ পরিচালনায় সময়ে সময়ে প্রয়োজনে হিসাব সংশ্লিষ্ট তথ্যাদি আপডেট করতে হবে।

৮. **Correspondent Banking সংক্রান্ত:**

বাণিজ্য ভিত্তিক মানিলভারিং রোধকল্পে কorespondent বা রেসপন্ডেন্ট ব্যাংকের ব্যবসায়ের প্রকৃতি এবং মানিলভারিং ও সত্ৰাসে অর্থায়ন সম্পর্কে নিশ্চিত হয়ে প্রধান মানিলভারিং প্রতিরোধ পরিপালন কর্মকর্তার (CAMLCO) অনুমোদন সাপেক্ষে নতুন কorespondent ব্যাংকিং (Correspondent Banking) সম্পর্ক স্থাপন বা বিদ্যমান সম্পর্ক নবায়ন নিশ্চিত করতে হবে।

৯. **বাণিজ্য ভিত্তিক মানিলভারিং (Trade Based Money Laundering) সংক্রান্ত:**

বাণিজ্য ভিত্তিক মানিলভারিং (TBML) প্রতিরোধ ব্যবস্থা (Prevention of Trade Based Money Laundering) আরও কার্যকর করার লক্ষ্যে আমদানী-রপ্তানী বাণিজ্যের ক্ষেত্রে ব্যাংকের সংশ্লিষ্ট কর্মকর্তা/কর্মচারীদের প্রয়োজনীয় প্রশিক্ষণ প্রদান এবং সন্দেহজনক ও অস্বাভাবিক লেনদেনের বিষয়ে অধিকতর সচেতন থাকতে হবে।

১০. **ব্যাংক হিসাব সম্পর্কিত চাহিত তথ্যাদি সংক্রান্ত :**

বাংলাদেশ ব্যাংক, দুদক, জাতীয় রাজস্ব বোর্ড এবং কাষ্টমস অথোরিটির (সরকারী পাওনা আদায় সম্পর্কিত) কর্তৃক চাহিত ব্যাংক হিসাব সম্পর্কিত তথ্যাদি কাজক্ষিত সময়ের মধ্যে সংশ্লিষ্ট বিভাগে প্রেরণ নিশ্চিত করতে হবে। উল্লেখ্য, শাখাসমূহ হতে তথ্যসংগ্রহ ও প্রেরণের বিষয়ে সংশ্লিষ্ট বিভাগীয় কার্যালয় এবং মুখ্য আঞ্চলিক/আঞ্চলিক কার্যালয়সমূহ প্রধান কার্যালয়ের নির্দেশনার আলোকে প্রয়োজনীয় কার্যকর ব্যবস্থা গ্রহণ করবে।

১১. **AML/CFT সংক্রান্ত প্রশিক্ষণ কর্মসূচী সংক্রান্ত :**

চলতি অর্থবছরে আঞ্চলিক পর্যায়ে AML/CFT সংক্রান্ত কার্যক্রমের উপর কর্মকর্তা/কর্মচারীদের আরও অধিক সংখ্যক প্রশিক্ষণ কর্মসূচী গ্রহণ করতে হবে। ব্যাংকের নির্বাহীগণ ব্যাংকিং ব্যবসাকে ঝুঁকি মুক্ত রাখার পাশাপাশি মানিলভারিং ও সত্ৰাসে অর্থায়ন প্রতিরোধে সক্রিয় ও কার্যকর ভূমিকা রাখার জন্য সকল শাখা ব্যবস্থাপক, অভ্যন্তরীণ নিরীক্ষা টিমের সকল কর্মকর্তা, সকল শাখা মানিলভারিং প্রতিরোধ পরিপালন কর্মকর্তা (BAMLCO) ও অন্যান্য কর্মকর্তা/কর্মচারীকে মানিলভারিং ও সত্ৰাসে অর্থায়ন প্রতিরোধ বিষয়ে প্রশিক্ষণ প্রদান ও অন্যান্য পরিপালনীয় বিষয়সমূহ যাতে সঠিকভাবে পরিপালিত হয় সে জন্য প্রয়োজনীয় উদ্যোগ গ্রহণ করবে। সেই সাথে প্রশিক্ষণ প্রাপ্ত কর্মকর্তা/কর্মচারীদের প্রশিক্ষণ সংক্রান্ত সার্টিফিকেট/তথ্য যথাযথভাবে সংরক্ষণ করতে হবে।

১২. AML/CFT বিষয়ক কার্যক্রমের রেটিং সংক্রান্ত:

অত্র ব্যাংকের প্রধান কার্যালয়ের প্রদত্ত দিক-নির্দেশনাসহ উপর্যুক্ত বিষয়াদি পরিপালন/বাস্তবায়ন নিশ্চিত করে মানিলভারিং ও সন্ত্রাসে অর্থায়ন প্রতিরোধে আরও সক্রিয় ও কার্যকর ভূমিকা রেখে অত্র ব্যাংকের AML/CFT বিষয়ক কার্যক্রমের রেটিং সন্তোষজনক পর্যায়ে উন্নীত করার জন্য সংশ্লিষ্ট সকলকে প্রয়োজনীয় পদক্ষেপ গ্রহণে সচেষ্ট হতে হবে।

মানিলভারিং ও সন্ত্রাসী কার্যে অর্থায়ন প্রতিরোধ কার্যক্রমের অন্যতম উদ্দেশ্য হলো দেশ ও প্রতিষ্ঠান যাতে এ ধরনের ঝুঁকি হতে মুক্ত থাকে তা নিশ্চিত করা। বাংলাদেশ কৃষি ব্যাংকে মানিলভারিং ও সন্ত্রাসে অর্থায়ন প্রতিরোধ ব্যবস্থা আরও কার্যকর ও বেগবান করার প্রত্যয়ে বাংলাদেশ ফাইন্যান্সিয়াল ইন্টেলিজেন্স ইউনিট (BFIU), বাংলাদেশ ব্যাংক ও অত্র ব্যাংকের প্রধান কার্যালয়ের প্রদত্ত নির্দেশনাসমূহ পরিপালন/বাস্তবায়ন নিশ্চিত করে মানিলভারিং ও সন্ত্রাসে অর্থায়ন প্রতিরোধে আরও সক্রিয় ও কার্যকর ভূমিকা রাখার জন্য সংশ্লিষ্ট সকলকে পরামর্শ দেয়া হলো।

২০২৩ সালে মানিলভারিং ও সন্ত্রাসী কার্যে অর্থায়ন রোধে আমরা সকলে বদ্ধপরিকর, এ হোক আমাদের অঙ্গীকার।

আপনার বিশ্বস্ত,
০৩/০৮/২০২৩
(মোঃ আব্দুল জব্বার)
ব্যবস্থাপনা পরিচালক

প্রকা/আরএমডি-৩০/অংশ-৯/২০২২-২০২৩/৩২০৫

তারিখ-০৩-০৮-২০২৩

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো:

- ০১। চীফ স্টাফ অফিসার, ব্যবস্থাপনা পরিচালক মহোদয়ের সচিবালয়, বিকেবি, প্রধান কার্যালয়, ঢাকা।
- ০২। স্টাফ অফিসার, সকল উপব্যবস্থাপনা পরিচালক মহোদয়ের সচিবালয়, বিকেবি, প্রধান কার্যালয়, ঢাকা।
- ০৩। স্টাফ অফিসার, সকল মহাব্যবস্থাপক মহোদয়ের দপ্তর, বিকেবি, প্রধান কার্যালয়, ঢাকা।
- ০৪। সকল উপমহাব্যবস্থাপক/সচিব/অধ্যক্ষ, স্টাফ কলেজ, বিকেবি, প্রধান কার্যালয়, ঢাকা।
- ০৫। উপমহাব্যবস্থাপক, আইসিটি সিস্টেম বিভাগ, বিকেবি, প্রকা, ঢাকা। পত্রটি বিকেবির ওয়েবসাইটে আপলোড করার জন্য অনুরোধ করা হলো।
- ০৬। নথি/মহানথি।

০৩/০৮/২০২৩
(চানু গোপাল ঘোষ)
উপব্যবস্থাপনা পরিচালক

ও

প্রধান মানিলভারিং প্রতিরোধ পরিপালন কর্মকর্তা (CAMLCO)